

de Vixilancia Aduaneira. A participación será de carácter voluntario e individual, aínda no caso dos seleccionados directamente polas xefaturas dos distintos corpos, por non ser esta unha actividade formativa nin de carácter oficial.

Requisitos dos participantes.

a) Ser funcionarios de carreira das forzas e corpos de seguridade ou do Servizo de Vixilancia Aduaneira.

b) Atoparse en activo e en situación de alta laboral.

c) Dispoñer dunha arma propia ou da institución e utilizala para o desenvolvemento habitual dos seus cometidos profesionais.

d) Compromiso persoal de axustarse ás bases do campionato e as normas do CEXESGA.

Sede.

Centro de Estudos Xudiciais e Seguridade Pública de Galicia.

Lugar de celebración.

Galería de tiro do CEXESGA.

Número de prazas.

Sen límite na primeira fase (selectiva para as policía locais), e limitada na segunda e nas finais, como se determina no punto seguinte.

Sistema de inscrición.

a) Os membros dos corpos de policía local deberán achegar debidamente cuberta a instancia que saíra no DOG a comezos do mes de setembro, e participarán na fase de selección propia.

b) Os membros da policía autonómica, CNP, Garda Civil e Vixilancia Aduaneira, serán inscritos segundo a relación que sexa remitida en cada caso pola xefatura de cada corpo, ata o máximo seguinte, aínda que non é necesario atinxir este tope:

-Policía autonómica: a xefatura achegará unha relación con 6 membros como máximo da UPA, seleccionados para a participación neste campionato.

-CNP: a xefatura superior achegará unha relación con 10 membros como máximo seleccionados no CNP.

-Garda Civil: a xefatura da XVª zona, achegará unha relación con 10 membros como máximo seleccionados na GC.

-SVA: a xefatura achegará unha relación con 6 membros como máximo seleccionados no SVA.

Calendario e datas.

Para optimizar o uso da galería de tiro do CEXESGA, e poder compaxinalo co resto de actividades que nela se desenvolven a diario, o calendario previsto é o que aparece no cadro seguinte, sempre suxeito ás modificacións ou cambios que resulten obrigados.

Primeira fase		Segunda fase		Fase final	
Clasificatoria para as policía locais. Pasan á seguinte fase os 12 mellores en puntuación. Sen límite de participantes.		Primeira eliminatoria conxunta entre todos os corpos participantes. Participan 44 seleccionados.		Determinación da clasificación e gañadores do campionato. Participan 15 seleccionados.	
Días	Horas	Días	Horas	Días	Horas
19, 20, 21 e 22 de setembro	17.00 as 21.00 h	27, 28 e 29 de setembro	17.00 as 21.00 h	5 e 6 de outubro	17.00 as 21.00 h
Clausura do I Campionato autonómico de tiro policial e entrega de trofeos e accesits día 7 de outubro, ás 12.30 horas no CEXESGA.					

Fases.

a) Primeira fase clasificatoria e eliminatoria.

Nesta fase participarán os membros dos corpos de policía local de Galicia que cumpran todos os requisitos de inscrición e admisión.

A orde de participación nesta fase virá dada polo resultado dun sorteo que determinará a letra do primeiro apelido dos inscritos nela, seguindo a orde alfabética a partir desta.

Nesta fase clasificaranse só os 12 mellores tiradores que atinxisen as cualificacións máis altas nos seus exercicios, que consistirán nun percorrido de tiro por participante.

b) Segunda fase: eliminatoria e clasificatoria para a final.

Nesta fase participarán 44 tiradores como máximo: aos 12 clasificados na eliminatoria anterior engadiranse os seleccionados pola policía autonómica, Garda Civil, Corpo Nacional de Policía e Servizo de Vixilancia Aduaneira, segundo o número máximo que se permite a cada corpo, que figura no punto de sistema de inscrición.

Igual que na fase anterior, a orde de participación nesta fase virá dada polo resultado dun sorteo que determinará a letra do primeiro apelido dos inscritos nela, seguindo a orde alfabética a partir desta.

Nesta fase clasificaranse só os 15 mellores tiradores que atinxisen as cualificacións máis altas nos seus exercicios, que consistirán en dous percorridos de tiro por participante, obténdose a media individualizada de cada cualificación ou cociente de puntuación de cada exercicio.

c) Fase final.

Os 15 tiradores clasificados para esta fase participarán pola orde que estableza un sorteo, igual que nos casos anteriores, e realizarán dous percorridos de tiro, obténdose a media da cualificación ou cociente de puntuación de cada un deles que determinará a clasificación final do campionato.

Trofeos.

a) Trofeos individuais: os cinco mellores tiradores clasificados na fase final terán dereito ao I Trofeo de tiro policial autonómico Galicia 2005, coa indicación en cada caso do posto obtido por cada un deles.